



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-I/25-2-40-408-2/21**

Datum: 27.09.2021. godine

„Agencija za vodno područje rijeke Save“ Sarajevo rješavajući po zahtjevu pravnog lica JP „Rad“ d.d. Tešanj za izdavanje vodne saglasnosti na izrađenu projektnu dokumentaciju za aktivnost zahvatanja dodatnih količina vode na izvoru Jelah, Općina Tešanj, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj saglasnosti**

1. JP „Rad“ d.d. Tešanj daje se vodna saglasnost na izrađenu projektnu dokumentaciju za aktivnost zahvatanja dodatnih količina vode putem probno-eksploatacionog bunara PEB-3, na izvoru Jelah, Općina Tešanj, a u skladu sa revidovanom projektnom dokumentacijom:
 - Glavni projekat probno-eksploatacionog bunara PEB-3 urađen od strane „Inpros“ d.o.o. Mostar, august 2021. godine.Projektna dokumentacija je revidovana od strane „Atrius projekt“ d.o.o. Živinice, broj:V-23-08/21 august 2021. godine.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije vraća investitoru na trajno čuvanje u skladu sa odredbom člana 114. stav (3) Zakona o vodama.
3. Vodna saglasnost se daje pod slijedećim uslovima:
 - 3.1. Vodozahvatni objekat – bunar PEB-3 sa svim ugradbenim elementima, opremom i pratećim objektima izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 3.2. Način i mjesto ugradnje mjerača protoka zahvaćene vode i pumpnih agregata kao i održavanje istih uskladiti sa upustvima datim od strane proizvođača opreme.
 - 3.3. Obezbijediti ateste za svu opremu koja se planira ugraditi u vodozahvatni objekat i pumpnu stanicu (fazonski komadi i armature, vodomjeri, pumpni agregati i sl.).
 - 3.4. Korisnik vodne saglasnosti je dužan da riješi imovinsko-pravne odnose na lokalitetu izvođenja radova na mjestu formiranja privremenog gradilišta, pristupnog puta i deponije za odlaganje viška izvađenog materijala.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.7. Predvidjeti da se sav nastali otpad prilikom izvođenja radova prikuplja u skladu sa važećim propisima o postupanju sa otpadom.
 - 3.8. Podnosilac zahtjeva je obavezan uvažiti uslove iz Rješenja o urbanističkoj saglasnosti broj: 06-19-1-1420/21 od 16.08.2021. godine izdatog od strane Službe za katastar, urbanizam i imovinsko-pravne poslove općine Tešanj.

- 3.9. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji vodozahvatnog objekta, ukoliko do takvih situacija tokom izvođenja radova dođe, će se rješavati uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 3.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemni akvifer (izvorište).
- 3.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.12. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
- 3.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 3.14. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.15. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata zahvata pitkih voda, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
- 3.16. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara i uz praćenje stanja na izvorištu u smislu promjene kvaliteta i količina voda.
- 3.17. Ukoliko se u toku izvođenja radova i korištenja predmetnih objekata prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan uzroke štete otkloniti, a nastalu štetu trećim licima nadoknaditi.
- 3.18. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
4. Nakon završetka aktivnosti na terenu neophodno je isti dovesti u prvobitno stanje.
5. U periodu do ishodovanja upotrebne dozvole uraditi Elaborat o zonama sanitarne zaštite izvorišta na osnovu koga će nadležni organ iz člana 68. Zakona o vodama donijeti Odluku o zaštiti izvorišta „Jelah“, Općina Tešanj, a sve u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).
6. U toku važenja vodne saglasnosti, a prije podnošenja zahtjeva za izdavanje vodne dozvole, podnosilac zahtjeva dužan je ishodovati koncesioni ugovor u kome će biti definirani uslovi korištenja voda, izdat od strane nadležnog organa i kopiju istog dostaviti AVP Sava.
7. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20).
8. Ova vodna saglasnost, shodno članu 114. stav 6. Zakona o vodama, prestaje da važi istekom roka od dvije godine od dana pravosnažnosti ovog Rješenja ukoliko do tog dana nije pribavljeno odobrenje za građenje i započeta izgradnja objekata u skladu sa glavnim projektima iz tačke 1. dispozitiva ovog rješenja.
9. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor JP „Rad“ d.d. Tešanj pismenim zahtjevom broj:6608 od 02.09.2021. godine zaprimljenim dana 07.09.2021. godine zatražio je izdavanje Rješenja o vodnoj saglasnosti na izrađenu i revidovanu projektnu dokumentaciju za aktivnost zahvatanja vode sa vodocrpilišta „Jelah“, Općina Tešanj, a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija

- Aktuelni izvod iz sudskog registra, broj:043-0-RegZ-21-001868 od 07.07.2021. godine izdat od strane Općinskog suda u Zenici – ovjerena kopija,
- Uvjerjenje o poreznoj registraciji od 08.01.2010. godine izdato od strane Porezne uprave—Kantonalni ured Zenica - ovjerena kopija,
- Rješenje o prethodnoj vodnoj saglasnosti, broj:UP-I/25-1-40-270-7/21 od 05.07.2021. godine izdato od strane Agencije za vodno područje rijeke Save, Sarajevo – kopija,
- Rješenje o urbanističkoj saglasnosti broj:06-19-1-1420/21 od 16.08.2021. godine izdato od strane Službe za katastar, urbanizam i imovinsko-pravne poslove općine Tešanj – kopija,
- Dokaz o uplaćenju upravnoj pristojbi na zahtjev.

B. Tehnička dokumentacija

- Glavni projekat probno-eksploatacionog bunara PEB-3 urađen od strane „Inpros“ d.o.o. Mostar, august 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

- Projektna dokumentacija iz tačke 1. dispozitiva rješenja izrađena je i revidovana od strane pravnih lica koja imaju Ovlaštenja izdata od strane Federalnog ministarstva poljoprivrede, vodoprivrede i šumarstva, a u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“ broj 17/08).
- Investiciono tehnička dokumentacija navedena u tački 1. dispozitiva Rješenja urađena je u skladu sa uslovima iz rješenja o prethodnoj vodnoj saglasnosti broj:UP-I/25-1-40-270-7/21 od 05.07.2021. godine izdatog od strane Agencije za vodno područje rijeke Save, Sarajevo.
- Bunar će se kopati do dubine od 8,80 m od nivoa postojećeg terena, pri čemu će se ući cca 3,00 m u vodonosni sloj lapora. Bunar će se izvesti sa betonskim cijevima unutrašnjeg prečnika Ø 2000 mm. Sabirni drenažni kolektor (lateralni dren) je predviđen na dužini od cca 190 m. Sabirni drenažni kolektor se postavlja u padu od 0,5‰. S obzirom na predviđeni pad i količinu drenirane vode (cca 10 l/s) usvojene su cijevi PE DN419,4/355 mm na dužini od 95 m i DN372,2/315 mm na dužini od 95 m, cijevi perforirane na 120. Na sabirnom drenažnom kolektoru, kraju drenažnog drena predviđena je ugradnja četiri reviziona šahta koji se izводе od prefabrikovanih betonskih elemenata (betonske cijevi DN800 mm, konusnog završetka, te betonskog dna i betonske glave sa l/ž poklopcem). Dubina šahtova će biti cca 6,50 m i izdignuti su iznad terena za 0,5 m.
- Opitno crpljenje će se izvršiti sa Step Draw Down Test SDDT sa tri količine $Q_1 = 6,00$ l/s, $Q_2 = 8,00$ l/s i $Q_3 = 10$ l/s, sa praćenjem povrata nivoa vode u vodozahvatnom objektu (Recovery Test).
- Urbanističko-tehničke uslove za izgradnju vodozahvatnog objekta-bunara, podnosiocu zahtjeva je kroz izdato Rješenje o urbanističkoj saglasnosti broj: 06-19-1-1420/21 od 16.08.2021. godine izdatog od strane Službe za katastar, urbanizam i imovinsko-pravne poslove općine Tešanj. Na osnovu dostavljene dokumentacije i utvđenog činjeničnog stanja, a u cilju smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodnom saglasnosti, u dispozitivu Rješenja propisani uslovi u skladu sa članom 114. Zakona o vodama i članom 19. Pravilnika o sadržaju, obliku, uslovima, načinu izdavanja i čuvanja vodnih akata koje je Investitor dužan ispuniti u toku gradnje sistema za zahvatanje novih količina vode za piće.

U skladu sa svim navedenim konstatovano je da sa aspekta sektora voda i priložene dokumentacije nepostoje zapreke da se Investitoru izda tražena vodna saglasnost za navedene aktivnosti, pa je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Ovjerena tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata


Hariš Ališehović, dipl.inž.grad.

Dostaviti:

- JP Rad d.d. Tešanj
Trg žrtava 3 avgusta bb, 74260 Tešanj, (sa prilogom),
- AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo